



♥ موضة اسمها الحجاب !! ٣

♥ واحدة واحدة !!! ٤٠

- جمع وترتيب -

د / مصطفى إبراهيم زايد



New fashion

دار النعيم
للنشر والتوزيع

٠١٠٠٣٤١٨٧٨٤



New fashion

موضة اسمها الحجاب !!

► [شيميز] .. [بوليو] .. [فيست] ..
[كارديجان] .. [ديكلتيه] .. [ريجلان] ..
[بروتيل] .. [سان بروتيل] .. [لو ويست] ..
[تونيك] .. [دريل] .. [باك ليس] .. [بانتاكور] ..
[اسكيني] .. [ليجينجز] .. [كارينا] .. [فيزون] ..
!!!!!!

❖ **مستغرب الكلام ده؟؟؟! مستغربش ..**

« أيوه مستغربش .. كل ده وأكثر أسماء لملايس البنات في بلادنا الإسلامية .. كل ده لبس الموضة اللي موجود في أسواقنا ومحلاتنا ..

« الشئ اللي يخلينا نستغرب بجد مش أسماء أو أشكال اللبس ده ، لأنه أصلاً كله جاي لنا من بلاد الغرب ، الغريب هو إن كل اللبس ده بقينا نشوفه على بناتنا ونساءنا "المُسلمات" .. بنات ونساء أمة النبي محمد ﷺ .. وبقينا نشوف البنات لابسين كل أنواع لبس الموضة مع الاحتفاظ بقطعة قماش لتغطية الشعر لأنهم طبعاً "محجبات" !!!!!!!



New fashion

« **للأسف الشديد؛** المتأمل في أحوال مجتمعاتنا الإسلامية والعربية .. هياقي إن عندنا مشاكل وأزمات كتير جداً .. ولكن من أخطر الأزمات وأشدّها تعقيداً وأصعبها حلاً هي:

[" أزمة المفاهيم "]

واللي بتعتبر سبب رئيسي في بقية الأزمات والمشاكل !!

« للأسف ، فهمنا الغلط للأشياء بقى يخلينا في وضع أسوأ من الجهل بالأشياء دي ..!! لأن الفهم الخاطئ بيجعلنا نتصرف بطريقة خاطئة حسب مفهوم كل واحد فينا ، في الوقت اللي كل واحد بيكون معتقد إنه كده بيعمل الصح !!!!

❖ **ولو هنتكلم عن قضية الحجاب ...** فلازم نأكد أولاً على القضية الأهم والأزمة الكبرى في موضوع الحجاب وهي أزمة **"مفهوم الحجاب"** !!

« انتشر في زماننا **مفهوم خاطئ** عند أغلب الناس سواء رجال أو نساء إن الحجاب المقصود به **"غطاء الشعر"** !!! يعني بقينا أول ما بنقول كلمة حجاب قدام أي بنت ، على طول بيتبادر لذهنها الحاجة اللي بتغطي بيها شعرها ،

سواء كانت طرحة أو إيشارب أو أي شئ يبتطح على الرأس لتغطية الشعر .. واللي بيسموه البنات **(تحجبية) !!!!** وهو ده للأسف الشديد مفهوم الحجاب عند معظم البنات تقريباً في زماننا إلا من رحم الله ..

✕ وبناء على الفهم الخاطئ للحجاب ، انتشر المفهوم الخاطئ للتبرج الذي هو "تقيض الحجاب" على إنه كشف الشعر !! والمتبرجات هما اللاتي **كاشفين شعرهم !!**

❦ **وعلى شان كده** لما بنتكلم عن الحجاب وأهميته وشروطه
كثير بيبتكر إن الكلام موجه للبنات اللي كاشفين شعرهم !!
ولما نقول إن التبرج حرام والمتبرجات عقوبتهن كذا وكذا
كثير بيبتكر إن العقوبات دي للبنات اللي كاشفين شعرهم !!



« وللأسف الفتاوى دي أصبحت هي "الشماعة الكبرى" اللي تستند عليها أغلب النساء المتبرجات في زماننا !!!!

« **وبناءً على وجود الأزمة الكبرى دى فى مفهوم الحجاب والتبرج** ، كان من الطبيعي جداً إن لبس البنات يوصل للمرحلة الأسوأ اللي الكل شايفها قدامه دلوقتى في كل مكان!! وخلاص بقى البنات اللي بيلبسوا جميع أنواع اللبس الضيق اللي خطر على البال واللى لسه مخطرش ويحطوا جميع أنواع الزينة معتقدين إنهم بالشكل ده لبسوا الحجاب وانضموا إلى قوافل المحجبات ، وأنهم أبعد ما يكون عن التبرج وعقوباته طالما فيه حاجة مغطية الشعر !! وطبعاً كل ما يشوفوا كتيب أو يسمعوا درس أو أي كلام عن الحجاب مش بيهتموا وبيعتبروه موجه لحد غيرهم ، اللى هما البنات اللى مش مغطين شعرهم يعنى....!!

« وبقت البنات تدخل المسجد وهي معاها إسدال أو بتليس إسدال من المسجد تصلي فيه وبعدين تقلمه وتخرج بلبسها الضيق !! لأنها معتقدة إن اللبس ده ميفعش للصلاة إنما ينفع للخروج به لأن المهم إنها مغطية شعرها !!!!

❖ وللأسف.. ساعد على انتشار الفهم الخاطئ ده ، انتشار مفتتين الفضائيات اللي بيخرجوا علينا كل يوم بفتاوى عجبية وغريبة ، فتاوى على وزن :

❌ (لا بأس) على المرأة أن تضع مساحيق الزينة لإخفاء مظاهر التعب وإضفاء نضارة على الوجه !!!!

❌ و (بالإمكان) تضيق العباءة في منطقة الخصر والكثف والصدر ولكن بشرط أن لا يكون ذلك ملفتاً !!!

❌ و (يجوز) أيضاً للمتحجبة لبس بنطلون جينز ضيق جداً مادام ساتراً و لا يشف !!!!

✕ و (لا حرج) من أن تستخدم المرأة قليلاً من العطور عند ذهابها إلى مكان العمل بشرط أن يكون جميع من حولها من الرجال مصابين بالزكام!!!!!!

✕ وآخر فتوى "فضائية" عجيبة فهي فتوى تجيز لإحدى الممثلات المعترلات وضع باروكة الشعر على رأسها كحجاب بحجة أنه يحجب ويغطي الشعر الأصلي !!!

❖ للأسف النوعية دي من الفتاوى **حصرت معنى الحجاب في مجرد "قطعة قماش صغيرة"** وظيفتها تغطية الشعر فقط وحجبه عن أعين الرجال ، وما عدى ذلك فهو "حلال" و"يجوز" و"لا حرج فيه" !

« ووصلت أزمة المفاهيم حتى عند المنتقبات !!!!!
 فيقت البنت تلبس النقاب وتغطي وجهها ولكنها لابسة عباية
 ضيقة وكلها تطريز ورأسمة حواجبها ولايسة كعب عالي !!
 فنتج عندنا ظاهرة جديدة غريبة اسمها :

"المنتقبات المتبرجات" !!!

► **وكمثال بسيط .. بنت فاهمة الحجاب غلط بتقول :**

[كون إنا محبين ميمعش إنا نلبس شيك وإستايل ونلبس كلالل الألوان اللي تعجبنا ونلبس مشجر كمان !! ونلبس طويل وقصير كمان !! أه قصير بس على جيبة شبييك مع لفة حجاب جديدة وشوز أنيق !! لااااااازم نغير من شكلنا ونبطل نلبس غوامق و هدمو واسعة علينا !!!! شوفوا كل بنت قد إيه هي محبة وإستايل وعاملة لفة حجاب جميلة ووالله مغطية شعرها وكل حنة فى جسمها!! ومفيش مانع من فرشة روجاجو بس متباناش أوي أو كحل في العين برده ، مع بخة اسبراي تكون ريحته حلوة وخفيف ومحدث هيشمه غير لما يقرب !!!!]



🗣️ يا أختي .. يا مسلمة يا غالية ..

◀ إنك تلبسى شئ مجسم وتقولي ده طويل ويغطي ظهرك
 لحد الركبة ، زي الشيميزات الطويلة أو الفساتات أو
 الكارديجان أو الفساتين الطويلة فده برده **مش حجاب** لأن
 الطول شئ والتجسيم شئ ثاني !!

◀ إنك تلبسي بلوزة ضيقة أو بدي وعليه طرحة طويلة أو خمار وتقولين هيعطوا منطقة الصدر فده برده **مش حجاب** لأن جسمك كله ودرعاك هيقوا متجسمين !!!!

◀ إنك تلبسي جيبة وفوقها أي حاجة لحد الوسط فده
مش حجاب لأن الجيبة بتفصل الجزء ده من جسمك !!!!

« إنك تلبسي إسدال أو ملحفة بس حاطة مكياج وعاملة حواجبك فده برده مش حجاب!!!!

◀ إنك تلبسي نقاب بس على عباية ضيقة ومليانة ترتز
وزخرفة ولمعة فده برده مش حجاب !!!!!

﴿ يا أُختي بلااااااش "عك" في الحجاب !!!!! ﴾

❖ ۵- دل ده مینفعش !!!

⊗ الخلاط الي إنتي بتضربي فيه لبسك علشان يطلع بالمنظر ده وفى الآخر تقولى حجاب لازم ينتهى !!!



❁ هو **يُفَع** حد يصلي العصر ٣ ركعات ويقول كده
كويس وأنا أحسن من غيري ؟؟؟!! **هل هتقبل صلاته ؟؟؟**
يُفَع حد يصلي من غير سجود ويقول ما أنا قرأت الفاتحة
وركعت وكده كويس ؟؟؟!! **هل هتقبل صلاته ؟؟؟**
- طبعاً لا .. وكذلك الحجاب لازم نلتزم بشرطه ..

« وعلى شان كده العلماء قالوا : [لا تخرج المرأة من وصف التبرج إلا بارتداء الحجاب الشرعي، والحجاب الشرعي له مواصفات من حققتها فقد أتت بفريضة الحجاب، ومن لم تستوفها فليست بمحجبة شرعاً] .

◀ **يعني البنت اللي بتلبس لبس مش مستوفي شروط الحجاب الشرعي أئمة ، ولو ماتت من غير ما تتوب من ذنبها ده ، فهي والعياذ بالله مع المتبرجات اللي النبي ﷺ**

صححه الألباني

وقال عنهم ﷺ أيضاً : « صنفان من أهل النار لم أرهما ، قوم معهم سياط كأذناب البقر يضربون بها الناس ، ونساء كاسيات عاريات ، مائلات مُميلات ، رؤوسهن كأسنمة البخت المائلة ، لا يدخلن الجنة ولا يجدن ريحها »

« وإن ريحها يوجد في مسيرة كذا وكذا » رواه مسلم



مفیش حاجة اسمها حجاب بس مش ضيق أوى!!

وحجاب بس مش صایع و مش مستفز!!!!

مفیش حاجة اسمها محبة نص نص وتلت اربع !!!

مفیش حاجة اسمها محبة ٨٠ ٪ و ٩٠ ٪ !!!

✕ مفیش الکلام ده کله!!!!

يا حجاب يا مش حجاب !!!!! مفيش حل وسط !!!!

❖ إنتى يا محجبة يا مش محجبة !!!

❖ يا محجة يا متبرجة !!!!

◀ أي لبس هيبين تفاصيل جسمك وحجم ذراعتك أو رجليك

مش حجاب!!!!

◀ أي طرحة مش طويلة وكبيرة وتغطي منطقة الصدر كلها

مش حجاب!!!!

◀ أي لبس زينة في نفسه أو مزخرف أو بيلفت الأنظار

مش حجاب!!!!

◀ أي أكسيسوريز أو مكياج أو برفان أو كعب عالي أو بوت

مش حجاب!!!!

﴿١﴾ يا أختي .. الحجاب فرض زى الصلاة ولازم يطبق
بكل شروطه **والا** مش هيكون غير سيئات فى ميزانك!!!



👉 إنتى عارفة يعنى إيه إنك تبقى ملعونة ؟؟؟

❖ إنتى عارفة يعنى إيه مش هتشمى ريحة الجنة؟؟

◀ ايه الله، يستاهل، في الدنيا دي، كلها ؟؟؟؟

والله العظيم الموضوع خطبسيير .. بل خطبسيير

**جدا جدا الموضوع مصيري بجد .. ولكن مشكلتنا
إننا فاكرين إن حسابنا سيكون على مزايانا وهوانا !!!**

« يا أختي ده ميزان هيتوزن عليه كل حاجة عملناها في الدنيا .. كل صغيرة وكبيرة متسجلة في صحيفة أعمالنا وهنتحاسب عليها بمئقال الذرة .. ولا يظلم ربك أحداً !

❖ وللأسف الشديد لما حد ب مخاطب البنات وينصهم
فى موضوع الحجاب ، تلاقى البنت تقولك :

يعني إنت عايزني أموت نفسي يعني ؟؟ ولا ألبس نقاب؟؟
ولا أقلع الطرحة أحسن علشان تستريح ؟؟؟!!!!

► **هقولك :** بالنسبة لناس كثير إنك تقايعي الطرحة أفضل بكثير..... لأن للأسف حثة القماش اللي إنتي مسمياها حجاب دي مع لبسك بالنظر ده إهانة ليكي وللحجاب وللإسلام !! على الأقل لو قلعيتها مش هتقااضي نفسك وهتبقى صريحة مع نفسك بدون ازدواجية مقزرة!!



◀ وفي نفس الوقت اللي هكون بتدرج فيه ده ،
للأسف مش هكون باخد أجر أو ثواب العبادة ،
لأني لسه موصلتش لتحقيقها فعلياً !!!

◀ يعني إيه ؟؟ يعني هل إنتي ماشية بالتدرج في اللبس ،
من اسكيني لجينز ، ومن بدي لفيس ، و كل أشكال اللبس
اللي إنتي بتقولي عليها في التدرج لتغيير الحجاب ،
هل بتاخدي حسنة واحدة ؟؟ لا طبعاً .. لأن لبسك لسه مش
عنده صفه الحجاب الشرعي !! بالعكس ؛ ده إنتي لسه
عمالة تجمعي في ذنوب وفي كل خروجة بتخرجيها بتحلمي
نفسك ملاييسيين السيئات بكل نظرة حرام إليكي ،
لأنك لسه في نطاق التبرج المنهي عنه !!

☑ إذا .. مفيش حاجة اسمها تدرج في المحرمات !!
◀ فيه يا صح يا غلط ! مفيش نص نص هنا !!

◀ لو شبهنا ده بئاتا فارغ .. ممكن تملاه لحد رבעه أو
نصفه أو كله .. على قدر استطاعتك .. ولكن لو الإناء فيه
تقب .. مينفعش تسيبه وتقول هسده بكرة ؛ لأنه هيصيح
كل اللي إنت بتعمله .. وهكذا حال المعاصي والمحرمات
في القلب .. لازم تبعدها فوراً بدون تدرج !



عندما نزلت هذه الآية ، أمر النبي ﷺ مناديه أن ينادي في
سكك المدينة ، ألا إنَّ الخمر قد حُرِّمت ؛ فكسرت الدنان ،
وأريقت الخمر حتى جرت في سكك المدينة ، فهل قال
النبي ﷺ حينها ، أن مدمن الخمر ، لا تشمله هذه الآية ؟
لا ، يا أخي ، فهذه الآية تشمل كل مسلم سواء كان مدمناً
للخمر أو لا ، و على المسلم أن ينقاد لحكم الشرع ، قال
تعالى (وَمَا كَانَ لِمُؤْمِنٍ وَلَا مِؤْمِنَةٍ إِذَا قَضَى اللَّهُ وَرَسُولُهُ
أَمْرًا أَنْ يَكُونَ لَهُمُ الْخِيَرَةُ مِنْ أَمْرِهِمْ وَمَنْ يَعْصِ اللَّهَ
وَرَسُولَهُ فَقَدْ ضَلَّ ضَلَالًا مُبِينًا) الأحزاب: ٣٦ .

- والذي يقول بأنه لا بد من التدرج للتخفيف على النفوس ،
نقول له أننا ما أمرنا إلا بالتفويض السريع والإذعان لحكم الله
رغم الشدة على النفس ، وما قوله عز وجل (وَعَسَى أَنْ
تُكْرَهُوا شَيْئًا وَهُوَ خَيْرٌ لَكُمْ وَعَسَى أَنْ تُحِبُّوا شَيْئًا وَهُوَ شَرٌّ
لَكُمْ وَاللَّهُ يَعْلَمُ وَأَنْتُمْ لَا تَعْلَمُونَ) البقرة: ٢١٦ ، إلا فيه دلالة
على أن الشرع لا يأتي بما تهواه الأنفس وتختاره ، وإنما
يأتي بما يصلح البشر بما يأمر به الله ، والأ فكيف في صوم
رمضان وقد شرعه الله شهراً كاملاً ولم يتدرج به بما
تطبيقه النفس رويداً رويداً ابتداء من ثلاثة أيام ثم أسبوع
ثم عشرة أيام وهكذا ، أو ليس الصوم أصعب من الخمر في
نظر الكثيرين ؟؟؟ ، وكذلك القتال في سبيل الله قد أتى فيه
التكليف بعكس الترتيب الذي لوحظ في تحريم الخمر ،



◀ ثانياً .. بالنسبة للي بيستدل بالتدرج في تحريم الخمر
على التدرج في ترك المحرمات هنقله ده قياس خاطئ !
قال العلماء : [كان التدرج في التشريع في زمن الوحي ،
و انقطع بانقطاعه ، حيث أكمل الله دينه ، و أتم على عباده
نعمته ، فقال : (الْيَوْمَ أَكْمَلْتُ لَكُمْ دِينَكُمْ وَأَتِمَمْتُ عَلَيْكُمْ
نِعْمَتِي) المائدة: ٣ ، فليس لأحد بعد ذلك أن يجاري الشارع
الحكيم سبحانه في التدرج في تبليغ حكم الله تعالى ، و حكم
رسوله لحديثي العهد بالإسلام أو التوبة ، إذ إنَّ الأحكام قد
استقرت على ما قضى الله و رسوله ﷺ ، وبالله العصمة .
فموضوع التدرج هو تطبيق الرسول ﷺ وصحابته للأحكام
الشرعية وليس فعل التشريع الذي هو لله وحده ، وما روي
إلينا عن كل تطبيق الأحكام والالتزام بها أنه كان فوراً
دون تدرج ، فحكم الشرع في تجنب السكاري للصلاة قد
التزمه المسلمون فوراً ولم يقترب أي منهم من الصلاة وهو
سكران ، وعندما حُرِّمت لم يتدرج أي منهم في الإقلاع
عنها ، بل كان إقلاعه عنها فوراً كما روي عن عمر بن
الخطاب ، وهو ﷺ لم يقبل التدرج في تنفيذ أي حكم من
أحكام الإسلام ، ولا حتى من الأفراد الحديثي عهد بالإسلام
في شرب الخمر فيما سبق بيانه في مرحلة التشريع ، فلما
نزلت آية تحريم الخمر : (يَا أَيُّهَا الَّذِينَ آمَنُوا إِنَّمَا الْخَمْرُ
وَالْمَيْسِرُ وَالْأَنْصَابُ وَالْأَزْلَامُ رَجَسٌ مِنْ عَمَلِ الشَّيْطَانِ
فَاجْتَنِبُوهُ لَعَلَّكُمْ تُفْلِحُونَ) المائدة: ٩٠



فقد أمر المؤمنون في بداية القتال أن يقاتلوا عشرة
أضعافهم ثم جاء التخفيف إلى أن يقاتلوا ضعف عددهم! فإن
كان الأمر في التدرج بدلالة التخفيف، فهذا رد واضح على
التكليف بالأشق ثم التخفيف . فأمر التشريع لله وأمر التنفيذ
علينا ، في الوقت الذي لا علاقة لنا فيه بالتشريع تخفيفاً
وتشديداً أو تشديداً ومن ثم تخفيفاً فهو الله وحده ليس لنا فيه
من أمر ، فقط ننفذه على وجهه كما أمر به الله ولا كلام .

أما التدرج الدعوى .. فإنه التدرج والبدء بالأولويات بحيث
لا يجرم حلالاً ولا يجل حراماً ، فهو طريقة دعوية ووسيلة
شرعية ، وليس حكماً شرعياً ولا رأياً فقهيّاً .
فما حرّمه الله ورسوله فهو حرام وما أحله فهو حلال ،
والتدرج الدعوى يوصل هذا الحكم الشرعي بحسب الزمان
والمكان وحال المدعو ، ولا يتدخل في الحكم الشرعي ، بل
مثلاً يبدأ بترك الشرك والطواف بالقبور قبل الأمر بترك
سماع المعازف المحرمة ، ويأمر بالصلاة قبل الأمر
بالصدقة ، وهكذا]

▶ هتقولي : بس الأعمال بالنيات وهي نيتها في التدرج
التوبة وربنا أعلم بكده .. ولما تدرج أحسن ما تقبل
الطرحه وتبقى مش محببة خالص !!!



❦ **هقولك :** آه فعلا إنما الأعمال بالنيات ... لكن مينفعش النية لوحدها في أداء في الفروض وترك المحرمات !!
النية لوحدها مش كافية .. لازم الفعل .. لا لازم التنفيذ !!!
يعني واحد سامع الأذان دلوقتي ومعدوش أي عذر ولكنه مش هيصلي ويقول أنا إن شاء الله نيتي إني هصلي من الشهر الجاي ، لو مات هيقول لربنا أنا كانت نيتي إني أصلي ؟؟؟ تقتكري ينفع ده ؟؟؟ !!! طبعاً مينفعش !!

« ده غير ان عندنا قاعدة فقهية شهيرة جداً بتقول :

النية الصالحة لا تصلح العمل الفاسد...!!!

« أما اللي بيقولوا التدرج مش أحسن ما تقلعه الحجاب خالص ، هنقولهم زى ما قولنا قبل كده :

ومين قال إن ده اسمه حجاب أصلاً؟؟؟!!!

الحجاب فرض كالصلاة .. هل ينفع أقول هصلي النهاردة
الظهر ٣ ركعات وبعدين لما اتعود أو لما أقتنع هصليه ٤
وده أحسن ما مصليش خالص !!! وهي دي بيقى اسمها
صلاة ساعتها ؟!!!! طبعاً لا .. أبداً أبداً .. وكذلك الحجاب
فرض بشروطه ! .. بقول الدكتور النابلسي :

[التدرج من المقاصد الشرعية ، إلا أن التدرج مع النفس محوط بضابط أصيل قام عليه الدليل وهو : أن التدرج لا يكون في باب الشرع إلا في أمور ثلاثة : (١) المستحبات . (٢) المكروهات . (٣) الزهد والورع المستحب .



﴿هذولك﴾: نعوذ بالله من شياطين الإنس ! هتحتي مره واحده !!! ليه يعني ؟؟؟ يعني لما ترضي ريك وتحتسي إنه راضي عنك هتحتسي بتعب ؟؟؟ بقى ده كلام برده ؟؟؟!! سبحانه الله دي راحة نفسية مابعداها راحة نفسية وإن شاء الله هتجربي وتشووفي قد إيه ارتحتي وبالك راحة ...

﴿ يا أختي إسألني إنتى نفسك : ليه مينفعلش مرة واحدة ؟؟ ﴾

هو فيه شئ كبير على ربنا ؟؟؟ ده ربنا على كل شئ قدير ،
أمره للشئ كن فيكون ، بيده قلوب العباد يقلبها كيف يشاء ،
يعنى فى لحظة ممكن تسبيي كل معاصيك وتغيري لباسك
وحياتك كلها وتبقى إنسانة تانية خاااااااااااالص ، وكمان
يفضل الله تكوني ثابتة وقوية رغم كل الفتن والمحن
والإبتلاءات أكثر من اللي ملتزم بقاله عشرة وعشرين
وخمسين سنة !!!

« **والمثال الرابع المبهري في ده .. "سحرة فرعون" !!** متخيلة دول كانوا ايه وفي لحظة بقوا ايه ؟؟ كانوا اعداء لله ويبحاربوا ربنا ، وفي لحظة بقوا اولياء الله ويبحاربوا عداوته ، بل ويضحوا باعلى شئ وهو حياتهم عشان رضاه !! متخيلة ؟؟ **!!! كل ده في لحظة !!!** »

وقدأما كثير من الناس بينقلبوا من الضياع إلى الهداية في يوم وليلة .. يا أختي ربنا على كل شيء قدير .. فمتخلّش الشيطان بيأسك من نفسك وبقولك أنتي مستحيل تتغيري !!!



وأما أن يريد الإنسان إعمال التدرج في مطلوب واجب كالصلاة أو الصيام مثلاً فهذا حرام ، ولا يجوز في الإسلام ، ولا يجوز إدخال التدرج في ترك المحرمات ؛ بل يجب على الإنسان تركها حالاً، **لأنه مادام هناك معصية وتعرفها ، معصية وتقيم عليها ، فهناك حجاب بينك وبين الله !!** ولهذا قال رسول الله ﷺ : **(أَتَقِ الْمَحَارِمَ تَكُنْ أَعْيُنُ النَّاسِ)** أي ابتعد عن المحرمات أولاً تكن عند الله من خير العباد.]

« قال الشيخ الشعراوي رحمه الله في كلامه الوافي وهو يعلق على هذا الحديث (اتَّقِ الْمَحَارِمَ تَكُنْ عَبْدَ النَّاسِ) :
[كل شيء حرمه الله ابعد عنه .. تسلب عن نفسك المعاصي أولاً .. ثم تقبل على الطاعة .. فيه إيجاب وفيه سلب .. الأول اسلب نفسك عن المعصية .. ابعد الأول عن المعصية .. وبعدين اعمل إيجاب في الطاعة .. درء المعصية الأولى .. ليه ؟؟؟؟ لأن الطاعة هيقي ثوابها لك .. إنما المعصية قد تكون ضرر على غيرك ، فكف عن المعصية أولاً وبعدين اعمل الخير ثانياً] ..

► **هتقولی :** بس مينفعش أتغير مرة واحدة !! إزاي!!!!!!
هقدر أليس واسع و طويل و أخرج من غير ميك أب و برافان
إزاي هسيب كل ده وأتغير مرة واحدة .. مينفعش طبعاً !!
وكل الناس اللي حواليا قالولي هتتبعي من التغيير
المفاجيء ده وهترجي وتبقى أسوأ من الأول !!!



✓ **أصل يا أختي الهداية من الله ..** وهو سبحانه وتعالى
 اللي وعدنا وقال في الحديث القدسي : **(يا عبادي كلّم**
ضال الا من هديته ، فاستهدوني أهدكم) رواه مسلم ، يعني إنتي
 بس أطلبي الهداية وخدي بالأسباب وإبدأي قربي من ربنا ،
 وهتلاقى الملك الكريم بيعينك وبهديكي ويقربك وكمان
 يبثنك ، بس إنتي أصدقي مع الله وضحي لله وجاهدي نفسك
 وإنتي هتلاقى فتوحات ورحمات متتخيلهاش !!

وساعتها اشكري النعمة دي **"نعمة الهداية"** بإنك تحافظي عليها ، واستشعري نعمة الاصطفاء ، نعمة إن ربنا اصطفاك إنتي بالذات وهداكي إنتي بالذات ، مع إن فيه ملايين غيرك مهتوش لسه حتى لدين الإسلام !!!

« يا أخوتي .. لو عندنا واحد بيغرق في بحر كبير ولقى حبل النجاة اللي هينقذه، هل ممكن يقول أنا همسك في الحبل وأبقى أطلع كل يوم ربع متر لحد ما أخرج من البحر ؟؟؟!!
ولا ما هيصدق يلاقى حبل النجاة ويمسك فيه ويطلع بأقصى سرعة علشان ينقذ نفسه .. ؟؟؟؟؟!!

أهو كل واحد فينا غريق في بحر الشهوات والذنوب ، لما يلاقي حد ينصحه ويرشده لطريق التوبة وحبل النجاة ، لازم يطلع مرة واحدة ، وإلا ممكن في أي لحظة الموج يخطفه ويرجع للقاع ويغرق ، وممكن يجبله حوت كبير ويبلعه قبل ما يبلق بطلع ، اللي هو "موت الفجأة" !!



« يا أختي .. لو واحد اشتعلت النار في بيته هيقول هطفيها واحدة واحدة وأوضة أوضة ؟؟ مستحيين طبعاً !! أهر كذلك نار المعاصي في قلوبنا لازم نطفيها مرة واحدة وإلا هتفضل مشتعلة ومش هتقدر تتغلب عليها !!

« يا أختي .. هو فيه حد يكون قاعد في الضلعة ويلاقي النور قدامه وميخرجش للنور ؟؟؟ فيه حد يقول هفضل في الضلعة لأحسن لو خرجت للنور مرة واحدة ممكن مستحملش وعيني توجعني ؟؟؟ ده انت مجرد ما هتخرج للنور هتلاقي حياتك كلها نوووورت وعينك ما هتصدق تشوف النور ومش هتطبق ترجع للضلعة تاني !! الإنسان ما بيصدق أول ما يشوف النور بجري عليه على طول !! ده الواحد ما بيصدق يلاقي طريق الهداية !!

➡ مترددة ليه ؟؟ خايفة ليه ؟؟ محتارة ليه ؟؟

☑ ده انتي مجرد ما هتسلكي طريق الهداية وتدوفي طعم الطاعة وحلاوة القرب من ربنا هتندمي على كل لحظة تأخرتي فيها إنك تمشي في الطريق ده !! مجرد ما هتقربي من ربنا هتقول يا .. هتأخرتي !! هتقول ده أنا فعلاً كنت في غفلة وكان مضحك عليا من شياطين الإنس والجن !! والحمد لله على هدايته وتوفيته ..



« يا أختي ده النبي ﷺ بيقول [اغتم خمسا قبل خمس : شبابك قبل هرمك، وصحتك قبل سقمك، وغناك قبل فقرك وفراغك قبل شغلك، وحياتك قبل موتك] صححه الألباني

« وكذلك النبي ﷺ بيقول [التَّوَدُّةُ فِي كُلِّ شَيْءٍ خَيْرٌ إِلَّا فِي عَمَلِ الْآخِرَةِ] صححه الألباني

« يعني عمل الآخرة ده مينفعش فيه (واحدة واحدة) !!.. مينفعش فيه (بالراحة) .. ده أنا المفروض ما أصدق أول ما يتقجلي فيه باب خير أدخل فيه فوراً .. مينفعش أتأخر !! فسارعي يا أختي والحقي اجتهدني واوعي تتأخري ..

☑ يا أختي إحنا المفروض نسارع وناتمر باللي أمرنا به ربنا وننتهي عما نهانا ونستغفر مما قصرنا وفرطنا ..

« شوفي حديث السيدة عائشة رضي الله عنها - وهي بتحكي عن حال النساء المؤمنات لما ربنا أمرهم بالحجاب وسرعتهم في تنفيذ أوامر ربنا .. عن عائشة رضي الله عنها قالت : [يرحم الله نساء المهاجرات الأول ، لما أنزل الله تعالى : { وَلِيَضْرِبْنَ بِخُمُرِهِنَّ عَلَى جُيُوبِهِنَّ } . شققن مروطهن فاخترن بها] رواه البخاري .. يا .. أول ما سمعوا الآية بتأمرهم بالحجاب مستنوش لغاية ما يروحوا السوق ويشترتوا حاجة يتحجوا بيها ؛ لا .. ده استجابوا فوراً !! أصلهم مش زينا !! للأسف مش فارق معنا أوامر ربنا !!



« هتقولى : بس أنا مش عايزة أستعجل في التغيير لأن هتقابلني عقبات كتيسيسير .. فانا إن شاء الله هتغير بس براحتي زي ما كتير من أصحابي عملوا !!

« هقولك : < إنتي إزاي بتقولى كده ؟؟؟ !! مش حاسة من جواكي إن قلبك ناقصه حاجة مهمة أوي ؟؟ مش حاسة انه عطشان لحنان ربنا وحب ربنا والشوق إليه؟ مش مشتاقة إنك تحسي إن ربك حبيبك راضي عنك ؟؟؟ ده سيدنا موسى من كثر شوقه لربنا قال :

[وَعَجِلْتُ إِلَيْكَ رَبِّ لِتَرْضَى] طه: ٨٤

« فانا عايزك تتخطي كل العقبات ، وتستحملي كل الانتقادات علشان توصلي لربنا ولسان حالك بيقول :

[وَعَجِلْتُ إِلَيْكَ رَبِّ لِتَرْضَى]

« خلى الآية دي شعار حياتك .. خلى قلبك يصرخ ويقول : (مش قادرة أستنى .. أنا مشتاقة إني أعمل أي حاجة ، بس إنت ترض عني يا حبيبي يا الله ..)

« يا أختي ده ربنا ﷻ بيقول [وَسَارِعُوا إِلَى مَغْفِرَةٍ مِنْ رَبِّكُمْ وَجَنَّةٍ عَرْضُهَا السَّمَاوَاتُ وَالْأَرْضُ] آل عمران: ١٣٣ ، وبيقول سبحانه وتعالى [فَاسْتَبِقُوا الْخَيْرَاتِ] البقرة: ١٤٨ .. في الحق نفسك يا أختي وسارعي للفوز بالمغفرة والجنة ..



« إزاي يتأخروا عن تطبيق أمر الله حتى ولو مش عندهم الحاجة اللي هيطبقوا بيها أمر الله .. ميقدروش يتأخروا !! طيب هيعملوا إيه ؟؟؟ يجيبوا الملابس اللي عندهم في البيت ويقطعوها ويعملوها حجاب !! أصل مش ممكن بعد ما ربنا أمرهم بالحجاب يخرجوا من بيوتهم من غيره أبداً .. مش ممكن يتأخروا في تنفيذ أمر ربنا .. لأنهم يجيبوا ربنا بجد ، لأنهم بيعظموا أوامره بجد ، لأنهم مشتاقين للقاءه بجد ، لأنهم عارفين انه من وجد الله فماداً فقد ؟؟ ، ومن فقد الله فماداً وجد ؟؟ ، فمستحيل كانوا هيتأخروا في تنفيذ أوامره .. بل كانت استجاباتهم وتصرفهم خير دليل على إن اللي بيحب بجد مش بيقدر يسبب حاجة يجيبها حبيبته إلا ويسارع في تنفيذها بكل شوق وحب وسعادة .. وكمان مش ده جابوا أي لبس وخلاص .. بل اختاروا اللبس الثقيل اللي ميشفش كما ورد في رواية أخرى للحديث "شققن (أكفف) مروطهن فاخترن بها" .. حُب بجد !!

« يا أختي سارعي ومتتاخرش .. علامات الساعة الصغرى كلها تقريباً حصلت ومفيش وقت .. مستنية إيه ؟؟ وخليكي متذكرة لقول ربنا ﷻ : [اقْرَبِ لِلنَّاسِ حَسَابَهُمْ وَهُمْ فِي غَفْلَةٍ مُرْضُونَ] الأنبياء: ١ .. والله الحساب قَرَبٌ .. يا ترى استعديتي ولا لسه ؟؟؟ !! ياللا خدي القرار حالا وانزلي اشترى لبس واسع سواء عباية أو ملحفة أو إسدال ويمكن ربنا يكرمك وتفكري في النقاب كمان ..



﴿ **هتقولى :** إنت الصراحة متفائل جداً!!!!!! .. ملحفة إيه ونقاب إيه بس !!!!!!! ده أنا أقصى أحلامي إني أوسع البنطلون !!!!!!! ويوم ما أفترى أوي ممكن ألبس جيبه وبلوزة !! إنما ألبس إسدال أو ملحفة أو عباية مرة واحدة ده صعب أوي !!!!!!! ده أنا مفيش واحدة في عيالي كلها مش لابسة بنطلون !! الموضوع صعب أووووي بجد !! ﴾

﴿ **هقولك :** < والله العظيم مش صعب ولا حاجة .. يا أختي هو مين اللي أمرك بالتكليف ده ؟؟ مين اللي أمرك بالصلاة ؟ أوقات وصوم رمضان ولبس الحجاب الشرعي وغض البصر وعدم الغيبة والنميمة .. مين اللي أمرك بكل ده ؟؟ الله .. هل ربنا هيامرنا بحاجة مش في قدرتنا ؟؟؟ مستحيل طبعاً .. ده ربنا قال { **يُرِيدُ اللَّهُ بِكُمُ الْيُسْرَ** } البقرة: ١٨٥ ﴾

﴿ قال العلماء في قول الله ﷻ { **وَمَا جَعَلْ عَلَيْكُمْ فِي الدِّينِ مِنْ حَرَجٍ** } [الحج: ٧٨] (من) هنا للتبسيط ، يعني لا يوجد أي حرج في التكليف ، لذلك إذا نظرت إلى الأوامر والنواهي تري هذه الرحمة وهذا اليسر ، فكل ما نهك الله عنه ففي إمكانك أن تنتهي ، لذلك يعذب الذي يفعل ما نهى عنه ، و لو كان النهي ليس في طاقة العبد لما عذبه ، إنما يعذبه على ما في إمكانه و قد نهاه عنه ، فجميع النواهي بإمكان العبد أن يتركها ، أما الأوامر فهي كثيرة ومتنوعة ، وكذلك كل ما أوجبه الله على العبد بإمكانه أن يفعله]



﴿ **ليه بتقولى هو أنا ممكن ربنا يهيديني ؟؟** ﴾

ليه يا أختي بتقولى كده ؟؟؟

ليه حاسه إنك إنسانة وحشة أوي كده ؟؟؟

﴿ إنتي فيكي خير .. وخير كبير كمان .. بس المشكلة هي شياطين الإنس والجن والهوى ، وبإذن الله هنتغلب عليهم.. ﴾

﴿ **يا أختي إحنا هنسلم كل الأمر لله** ونقول أنا كل الوحش اللي عندي يارب هنركه وأنا نفسي ببقى عندي كل الحل والخير اللي إنت وعدتني بيه .. وربنا هو اللي بييسر ويبثبت وبيقويك ويعينك على ترك الشر وفعل الخير .. إوووووي تفكرى إن الأمر صعب .. إنك تسيبى اللبس الإستائيل والبرفان ولا النمص ولا أي حاجة حرام .. والله العظيم بقدره ربنا وفضله كل حاجة بتهون وبتيسر ، وبتلاقيكي تلقائياً بتكرهى الحرام ومش قادرة تعمله .. وبتلاقيكي تلقائياً بتحبى الطاعة مووووووت ونفسك فى أى حاجة تعملها علشان ترضى ربك حبيبك حتى لو الناس بيلوموكي عليها .. وده مصداقاً لقول الله تعالى :

{ **وَلَكِنَّ اللَّهَ حَبِيبٌ إِلَيْكُمْ الْإِيمَانَ وَرَبُّهُ فِي قُلُوبِكُمْ وَكَرَّهَ إِلَيْكُمْ الْكُفْرَ وَالْفُسُوقَ وَالْعِصْيَانَ** } الحجرات: ٧

ومصداقاً لقول النبي ﷺ :

« **وإنه ليسير على من يسره الله عليه** » صححه الألباني

بس إنتي أصدقى مع الله.. أقبلى بصدق وهتلاقى التيسير..



﴿ وقالوا في ذكر فوائد حديث (إذا نهيتكم عن شئ فاجتنبوه ، وإذا أمرتكم بأمر فأتوا منه ما استطعتم) : [هنا نجد الفرق الواضح بين فعل المستطاع وبين الانتهاء التام الكامل بدون ذكر للاستطاعة ، فإن الكف والانهاء عن شئ يكون بمقدور كل أحد ، أما فعل المأمور فقد يتفاوت فيه الناس ..]

✓ **فإنتي تقدرى .. أيوه تقدرى ..**

✓ **أيوه تقدرى تتركي لبسك اللي ميرضيش ربنا كله مرة واحدة .. لأنك يا أختي إنتي اللي بايدك بتنزلى تشتري اللبس ده .. وبإيدك إنتي اللي بتحطى البرفان والمكياج .. وبرجلك إنتي اللي بتنزلى بيه من البيت !!**

✓ **فإنتي باستطاعتك تنتهي و توقفي كل ده بإذن الله ..**

﴿ فمفيش حاجة اسمها مش هقدر أعمل التكليف الفلاني أو مش هقدر أبطل الشئ الفلاني.. لا هتقدرى .. لأن ربك اللي خلقك أعلم إنك هتقدرى .. وهو القائل ﷻ { **ادْخُلُوا فِي السِّلْمِ كَافَّةً** } البقرة: ٢٠٨ ، يعني لازم أعمل شرائع الاسلام كلها، مش أخذ جزء وأسبب جزء .. مش هناخد حاجة ونسبب حاجة .. وده مش صعب والله .. ليه بتقولى أنا يادوب ممكن أوسع البنطلون؟! أنا يادوب ممكن أطول الطرحة ؟! **يا أختي هو إنتي مستكتره الهداية على نفسك ؟؟؟** ﴾



♥ **يا أختي .. ربنا ﷻ بيقول : { فَاَمَّا مَنْ أَعْطَى وَاتَّقَى**

*** وَصَدَّقَ بِالْحُسْنَى * فَسَنُيَسِّرُهُ لِلْيُسْرَى } [البقرة: ٢٠٥]**

وربنا بيقول : { وَالَّذِينَ اهْتَدَوْا زَادَهُمْ هُدًى } محمد: ١٧

✓ يعني مجرد ما هتبدأ تمشى في طريق ربنا ، هتلاقى الهداية والتيسير والتوفيق بفضل ربنا وجوده وكرمه ..

﴿ قال العلماء في تفسيره قوله تعالى :

{ مَنْ كَانَ يَرْيِدُ حَرْثَ الْآخِرَةِ نَزَدَ لَهُ فِي حَرْثِهِ } :

[ومن فوائد إرادة حرت الآخرة ، أن الله تبارك وتعالى يوفق صاحبه للزيادة منه ، والتلذذ به ، فكلما عمل عملاً صالحاً، قاده إلى غيره، وهذا معنى من معاني الزيادة في قوله سبحانه (نزد له في حرتة) أي : **نفتح له أبواباً أخرى من الخير،** وندله على أعمال صالحة ما كان يعملها، ونعينه على عملها .. ولا يوفق لذلك إلا أصحاب الإرادة الجازمة ، أما من يتمنى ولا يعمل فهو غير مريد حقيقة!! وتاملوا التعبير القرآني بالحرت؛ لأن الحارت يتعب في حرتة وزرعه وغرسه لما يرجو من غلته وثمرته]

✓ **يعني الموضوع فيه شوية صعوبة بس في الأول على ما تجاهدي نفسك وشياطين الانس والجن ، ولكن بعد كده هتلاقى اللذة والسعادة وهتندوقي حلاوة الطاعة ..**



« ومن أروع ما قال العلامة ابن القيم رحمه الله :
[إنما يجد المشقة في ترك المألوفات والعوائد من تركها
لغير الله ! ، أما من تركها صادقاً مخلصاً من قلبه لله ،
فإنه لا يجد في تركها مشقة إلا في أول وهلة ، ليمتنح
أصايق هو في تركها أم كاذب ؟؟ ، فإن صبر على تلك
المشقة قليلاً تحولت إلى لذة !]

« **ويعدين لو هفترض إن الموضوع صعب ..
فالصبر عن الشهوة أهون بكثير من الصبر على
العقوبات والمصائب التي تحصل لو مشينا ورا الشهوات ..**

« **حتى يا أختي لو الأمر صعب شوية .. فالنبي ﷺ قال :**
«ألا إن سلة الله غالية، ألا إن سلة الله الجنة» صححه الألباني
فلو مثلاً شايقة إنك مش قادرة تستغني عن اللبس الاستائيل
والمكياج والنمص وفيه إحتمال ساعتها لو مسيبتش
الحاجات دي متدخيلش الجنة ، **يا ترى هتختاري إيه ؟؟؟؟**
♥ يا أختي إنتي لو بتحبى حد أوى وقالك إعملى حاجة
معينه أو أنا اللي يرضيني حاجة معينه ، **هتعملها ولا لا ؟؟**
لو بتحبى طبعاً هتعملها حتى لو كان فيها صعوبة وتقييد
ليكى ، **وهتعملها بنفس راضية كمان !!**
**وفي الآخرة هتعرفي إن أوامر ربك كلها كانت لمصلحتك ،
والتعب والتقييد وكل شئ يهون لو أخرته الجنة ..**



المسلمات كلهم واحد والحساب يوم القيامة على الكل بنفس
الميزان مش بيفرق بين المتبرجة والمحبة حجاب صح ..
إحنا لو عندنا ٢ مسلمات واحدة لابسة إستائيل وواحدة لابسة
حجاب صح واللاتنين مصلوش الظهر مثلاً أو اللاتنين
سرقوا أو قتلوا ، يبقوا اللاتنين في الذنب واحد أمام الله ؟؟
ولا اللي لابسة حجاب صح ذنبها أكبر على أساس إن الثانية
مسلمة وهى مسلمة بشرطة ؟؟؟؟ !!!

« **واللي بتقول : اللبس ده مش سهل على فكرة وده
التزام جامد جداً جوا البيت وبر البيت !!**

هقولها : مش سهل إزاي يعني ؟؟ ويعدين هو الالتزام جوا
البيت وبر البيت حاجة وحشة أووووي للدرجة دي ؟؟؟
وهو المفروض اللي يعرف إنه اللبس هيشجعه على الالتزام
جوا وبر البيت يفرح ولا يقول لا مش هقدر ؟؟؟؟ !!!

« **طيب وبنفس المنطق بقى ،** أنصح كل البنات محدش
يصلى لأن الصلاة لها التزامات ومحتاجة وضوء وإتجاه
للقبلة وأركان وشروط وحاجات كتير ، وخصوصاً صلاة
العصر لأنها وسط اليوم وبتقطع الشغل وحاجات إحنا مش
قدها !! وطبعاً متصوموش رمضان لأنها فتره كبيرة أوي
من الجوع والعطش وإحنا مش قدها ! **وبنفس المنطق**
نسبب كل الدين بقى علشان كل شئ له التزامات !!!



« **هتقولى : بس أنا مش هقدر ألبس واسع دلوقتي لأن
الإسدال والنقاب واللبس الواسع مش سهل !! الحاجات
دي مش بالساهل كده !! الحاجات دي ليها إلتزامات
خاصة بيها مش هقدر أعملها !!! ولازم اللي تلبسهم
تكون ليها مواصفات معينة من التدين !!! و أنا معنديش
أي خبرة في الدين و كمان حتى معنديش وقت أعرف !!!**

« **هقولك : < وهى إيه بقى التزامات اللبس الواسع
اللي مش هتقدرى تعملها ؟؟؟؟ !!!**

« **يا أختي الشئ الحرام على اللي لابسة إسدال أو ملحفة
أو نقاب هو أصلاً حرام على اللي لابسة حجاب موضه أو
حتى اللي كاشفة شعرها !! ولا هل اللي لابسة عباية
وإسدال والمنقبه لهم دين تاني ؟؟؟؟ !!!**

« **إنتي لو فكرتى مع نفسك هتلاقى إن الإلتزام بأمر
الدين لكل المسلمات سواء لابسة ضيق أو واسع أو منتقبه..
فاللي بتقول لازم مواصفات معينة للي هتلبس الزي
الشرعي .. هقولها إزاي يعني ؟؟ هو مش المفروض إنها
مسلمة؟؟ ولا إحنا عندنا نوعين من الأخلاق، أخلاق منتقبات
وأخلاق عاديين ؟؟ هل فيه آيات أو أحاديث نزلت بتشريع
خاص مثلاً بالمنتقبات؟؟ هل الغيبة حرام للمنتقبه وحلال للي
لابسة إستائيل؟؟ ولا يمكن المنتقبه بتصلي أكثر من خمس
فروض فيبقى لها درجات مختلفة ؟؟ **لغز محير فعلاً ؟؟؟****



« **يا أختي .. هل تقدرى تقولى لواحدة أسلمت حالاً
إستني متلبسش الحجاب الصح إلا لما تعرفي أي حاجة
عن الدين الأول أو تحفظي على الأقل سورة الفاتحة ؟؟؟**

« **يا أختي .. مين اللي قال إن اللي تلبس الزي الشرعي
لازم تكون على درجة عالية جداً ؟؟؟ من الإلتزام ؟؟؟
ليه نقرن ده بمدى الإلتزام في الدين ؟؟؟ ده شئ مش
منطقي على الإطلاق !!!!** مفيش حاجة في الدين بتقول إن
لازم اللي هتلبس حجاب صح تكون حافظة كذا جزء من
القرآن أو متوسعة في العلم وعارفة كذا وكذا !! ولا يوجد
أى شروط على مدى تفقه أي مسلمة في الدين علشان تلبس
لبس واسع أو نقاب !!

« **يا أختي ..** مش كل واحدة هتلتزم بالزي الشرعي لازم
تبقى شيخة الإسلام ومفتي الجمهورية !!! **مشكلتنا إننا مش
قادرين نستوعب إن البنات اللي بتلتزم بالزي الشرعي أو
المنتقبه إنسانة مش ملك من الملائكة !** المحبة حجاب
صح أو المنتقبه زيها زي أي بنت طائعة لله وبتحاول
تتقرب له ، لها عيوبها ولها مميزاتها زيها زي أي بنت
مسلمة ، ولكن الفرق إنها أرادت أن تتقرب إلى الله بخطوة
لعلها تكمل بعدها خطوات وخطوات نحو الطريق الصحيح!

► **هتقولى :** بس أنا دولابى كله مليا!!!!!! ان لبس متبرج ،
 بديهاات ويناطيل وطرح قصيرة ، هودى لبسى القديم ده
 فين ؟؟ ده أنا حتى لسه شاربة كام طقم جداد !! هودى كل
 ده فيسبين ؟؟؟!!!! ولبعا حرام أرمي الهدوم دى كلها!!!!
 ده أنا عندي لبس بألوف !! فانا بقول هفضل ألبس اللبس ده
 لحد ما يقدم ، وساعتها وأنا بشتري لبس جديد أبقى أجيب
 اللبس الواسع اللى يرضى ربنا ..

هقولك : < مين قال إنك هترمي لبسك ده كله ؟؟ >

مش هنرميه ولا حاجة .. إنتي بس بدل ما كنتي بتلبسيه في الخروج هتلبسيه في البيت قدام المحارم أو النساء أو صحباتك .. ولو مبنفesh يتلبس قدام النساء والمحارم ممكن تشبليه لجهازك وتلبسيه لزوجك بإذن الله ..

ولو عايزة تبيههم لحد ، فمينفesh تدي البطونات والبدييات والطرح القصيرة واللبس اللي بتقولي عليه لأي بنت ممكن يتلبسهم وهي خارجة أو تلبسهم أمام الرجال ، لأن كدة فعلا ممكن تاخدي ذنوب بسببها ، لأنك عارفة إن هي دي طبيعة لبسها و عارفة انها هتستخدمهم بطريقة تغضب ربنا ..

♥ وحتى يا אחتي لو مش هنلبسه خالص ، **فانتى بتضحى**
وبيتزكيه لله ، وكل شئ مهما كان غالى يهون طالما كان
 فى رضاك يارب .. الصحابة والصحابيات ضحوا بأموالهم
 وأولادهم ودمائهم علشان يرضوا ربنا .. وإنتى؟؟؟؟
ياترى هتستكرتى تضحى بشوية قماش علشان ترضيه ؟!

► **هتقولى :** أنا والله نفسى ألتزم أوى ، بس نظرة الناس ليا هي اللي مش مشجعاني !! يعنى واحدة بتلبس بناطيل تيجي فجأة كده وتعمل فيها شيخه !! الكلام ده بسمعه ، وكل لما أقول لحد إني عازية ألبس ملحفة مثلاً يصلي من فوق تحت باستحقر كأنه ييقولي بقى معقول إتنى ربنا يهيديكي وبسرعة كده ؟؟؟؟؟!! ده غير إني محتاجة أفكر شوية في الموضوع الأول .. لأنى دلوقتي مقتنعة بموضوع التدرج ، فلازم أقتنع بكلامك وأخذ رأي أصحابي والناس والأقاي تشجيع كويس منهم وبعدين أختار اللي يناسبني !!

❦ **هقولك :** < الصراحة بتغاظ جدًا!!!!!! من الناس اللي بتقول الحجاب الصح لازم يكون عن اقتناع! مش فاهم اقتناع إزاي يعنى؟؟! هى وجهة نظر في فريق ككرة هنتقع بعض بيها؟؟! فيه حاجة اسمها كل واحد يعمل اللي هو مقتنع بيه ويختار اللي يناسبه من الدين؟؟!! طيب أنا ميناسبينيش الصلاة في الفجر علشان بكون نايم .. إيه رأيك؟؟؟؟؟؟ يا أختي لو كل واحد اختار اللي يناسبه من الدين ساعتها ده يبقى اسمه دين؟؟!!!!

« يا أختي إنني لسه هتفكري؟؟ لسه هندي فرصة للشيطان يلعب ببيكي تاني؟؟! إوعى تفتكري إن نفسك هتطاوعك في اخذ القرار بسهولة!! ده النفس أمارة بالسوء .. وكل ما هتتأخري همتك هتضعف وطموحك هيقل ومش هتقدرى!

« يا أختي .. اضربي على الحديد وهو سخن وخدي القرار دلوقتي وابدأي في التنفيذ .. خدي القرار وإنتي قلبك مشحون وصاحي من غفلته ونيبك بجد إنك تقربي من ربك حبيبك وترضيه .. يا أختي لسه هتستئي رأي أصحابك والناس اللي حواليك عشان تاخدي قرار مصيري إنتي بس اللي هتدفعي تمن التأخير فيه !!!

❖ **يا أختي ..** إوعي تفكري ان فيه حد هيشجعك في زمن
الغربة والفتن اللي إحنا عايشين فيه إلا من رحم الله ..
☑ **خدي إنتي الخطوة وشجعي غيرك وكوني قدوة ..**

« يا أختي .. إنا لو عايزين نطيع ربنا سبحانه وتعالى
ببقى مناخدش رأى الناس ونستنى لو شجعونا
ببقى نطيع ربنا لو مشجوعناش نحبط .. مينفعش !!
 لأن إنا لو جينا يوم القيامة واتسألنا ليه مملناش الأمر
 الفلاني؟ مينفعش إن يكون ربنا أصل ملقش حد يشجعني !!
 إنا المفروض نخاف على نفسنا ونروح إنا نعمل الطاعة
 حتى لو مفيش حد ببشجعنا، لأن اللي ببشعك هو إنا نعرفي
 الأجر وإنا تبقى حاطه في دماغك إنا عايزه ترضي ربنا
 وإنا بتحمديه على نعمه الكثيرة وإنا تدخلني الجنة ..

« وبعبدين إنتي عايزة تستشيرى الناس فى إيه؟؟
 الحجاب فرض على المسلمة زيه زي الصلاة والصوم
 والزكاة .. إيه اللي محتاج استشارة فى الموضوع بقى؟؟!

❁ هو ينفع أنا أجي أقولك أنا عاوز أصوم رمضان ،
تفتكرى أصوم ولا لا ؟؟؟ أنا بفكر أصلي ، تفكرى أصلى
ولا أكبر دماغي ؟؟؟ طبعاً مينفعش .. مينفعش خاااالص !
مينفعش كذلك أعرف إن الحجاب فرض وإن شكل
الحجاب ده كذا وكذا وأستنى أفكر وأشوف هقتنع ولا لا
وأشوف الناس هيشجعوني ولا هيحبطوني !!!!
< طبعاً ده كلام مينفعش خاص ومخالف لقول الله تعالى :

{ وَمَا كَانَ لِمُؤْمِنٍ وَلَا مُمْمِنَةٍ إِذَا قَضَى اللَّهُ وَرَسُولُهُ أَمْرًا أَنْ يَكُونَ لَهُمُ الْخِيَرَةُ مِنْ أَمْرِهِمْ وَمَنْ يَعْصِ اللَّهَ وَرَسُولَهُ فَقَدْ ضَلَّ ضَلَالًا مُبِينًا } الأحزاب: ٣٦ .. يعني أنا مليش اختيار .. مينفعش أخذ اللي بيعجنني وأسبب اللي مش على هوايا او مش على هوى الناس ..!!!!

« كمان عايز أقولك .. لما تبجي تستشيرى حد فى شئ انتي عاوزة تعلميه .. **تستشيرى اللي عايز مصلحتك بجد ..** اللي بقدر بجد يساعذك ويشجعك، تستشيرى حد يكون **عمل الحاجة دي أصلاً قبل كده** ، فبالتالى هيقدر إنه يشرحلك إزاي تعمليلها وإيه الصعوبات اللي هتواجهك وإزاي هو قدر يواجهها إلخ .. **لكن من الطبيعي جداً** لما تروحي تسألتي حد مش قادر يعمل اللي انتي عاوزة تعلميه ولسه ما أدركش عقاب ربنا للي بيعصى أمره ، **هتلاقه بيحاول يبرر موقفه ويثبُك و يحاول يغير تفكيرك !! أصل اللي بيعصى ربنا عاوز الناس كلها تعصى زيه الا من رحم الله!** »



وما مثال المسوق إلا مثال من احتاج إلى قلع شجرة ،
فراها قوية لا تنقلع إلا بمشقة شديدة ، فقال أواخرها سنة
ثم أعود إليها ، وهو يعلم أن الشجرة كلما بقيت ازداد
رسوخها ، وهو كلما طال عمره ازداد ضعفه ، فلا حماقة
في الدنيا أعظم من حماقته!! إذ عجز مع قوته عن مقاومة
ضعيف ، فأخذ ينتظر الغلبة عليه إذا ضعف هو في نفسه
وقوي الضعيف .. حتى يذهب من الدنيا شديد الحسرات!]

► **هتقولي :** بس إنت شايف ظروف البلد عاملة إزاي!!!!
وأنا خايفة لو غيرت لبسي دلوقتي إنه يتقال عليا تبع جماعة
معينة ويحصل مشاكل بسبب كده !!!! ده غير إني عندي
ظروف شخصية كثير تمنعني من أخذ القرار ده دلوقتي !!!

هقولك : ❖ **أولاً ..** إنتي بتقولي عندي ظروف وهتوب لما
الظروف تخلص .. هو إنتي عارفة الظروف دي هتتحسن
إمتي؟؟؟ الله أعلم إمتي أصلاً الظروف دي هتخلص ...!!
والله أعلم هتعيشي لما تخلص أصلاً ولا لا...!! والله أعلم
بعد ماتخلص هيكون حال قلبك وتعلقه بربنا وخوفه منه
زي ماهو دلوقتي ولا هيقل وهتكوني بعدي تاني ونسيتي
اللي كان مخوفك وهو إنك تموتي وإنتي بتعصيه...!!

❖ **ثانياً ..** بالنسبة لموضوع المشاكل والأذى .. فانا عايزك
تتوكلي على الله وتتيقني إنه لن يصيبنا إلا ما كتب الله لنا.



◀ لو ربنا ابتلى بنت بمرض في شعرها أو بأخذ كيماوي
وشعرها وحواجبها بيقعوا .. يا ترى كانت هتمشي كاشفة
شعرها أو هتمشي كده والأصـة طالعة من شعرها ؟؟؟؟
أو كانت هتعمل حواجبها وتتمصهم ؟؟ ولا كانت هتدور
على أكبر حاجة تقدر تغطي بيها شعرها ووشها كمان؟؟

◀ لو ربنا ابتلى بنت بمرض زي البهاق أو حرق في
جسمها أو رجلها ، يا ترى كانت هتمشي مشمرة ذراعها
وكاشفة رجلها ؟؟؟ ولا كانت هتغطي رجلها وإيدها كلها
وتلبس جوانتي كمان ، علشان تداري المرض ؟؟؟

❖ **يا أختي.. لا قدر الله لو حصلك أي حاجة زي كده**
هتغيري لبسك ساعتها في الحال ، وفوراً هتلبسي واسع
وتبتلي مكياج ونمص من غير أي تدرج !!!

بس ساعتها للأسف هيبقي التغيير غصب عك مش بمزاجك !!
ليه متغيرش حياً في ربنا وتقرباً إليه وسعياً في رضاه ؟؟؟؟
ليه معظم الناس بتستني البلاء الأول علشان تتغير ؟؟؟؟!!
◀ **نفسى كل بنت تقول لنفسها :** هل لو ربنا ابتلاني بفقدان
أي عضو من جسمي أو مرض معين هداري جسمي ولا
همشي مبيناه ؟؟؟! بجد إجابة السؤال ده متحدد كثير ..

◀ **ليه مش من نفسي دلوقتي أقوم أبص في المراية وأقول الحمد**
لك يارب إن جسمي مفهوش حاجة مريضة ولا مقطوعة ولا
محروقة ، وأنا هداريه من عيون الناس إيتفاء رضاك يارب ؟؟؟



► **هتقولي :** كلامك مقنع وواقعي .. بس كل واحد
متعود على حاجة مش هيعرف يغيرها بسرعة كده !!!!
وصراحة مش متخلية شكلي من غير اللبس الاستايل !!!
مستحيييل أخرج باللبس الواسع المهمل اللي مش على
الموضة مرة واحدة كده !!! مستحيل هقدر ألبس عبايات
مرة واحدة ، مستحيل هقدر ألبس طرحة طويلة أو خمار
مرة واحدة !! مستحيييل مستحيييل مستحيييل !!!

❖ **هقولك :** < يا أختي متقوليش مستحيييل !!!
عارفة ليه ؟؟؟ لأنك لو حصلك ابتلاء أو مرض معين
هتغيري لبسك بدون تدرج وبدون تفكير وبدون اقتناع ،
ومن غير ما تقعدتي تقولي لما ربنا يهديني الأول ولما
أبقى اتجوز الأول ومن غير كل الحجج والمبررات دي !!!
- ربنا يبارك في عمر وصحة جميع المسلمين في طاعته
يارب ، لو لا قدر الله ربنا ابتلى بنت بمرض زي سرطان
الثدي ومفيش بنت تقول أنا صغيرة لأن المرض ده بفي
يجي للبنات في سن صغير كمان ربنا يعافي الجميع يارب ،
< تخيلي لو ربنا ابتلاها بمرض زي ده وعملت عملية وتم
استئصال الثدي .. يا ترى هيفضل لبسها زي ما هو ؟؟؟؟
< يا ترى هتفضل تلبس بديها وفيسـتات وبوليروهاـت
وفي خطوطها وفرحها هتلبس فستان كب ؟؟؟؟ ولا هتدور
على طرح كبيرة وخمار وأوسع لبس يغطي صدرها ؟؟؟؟!!



❖ وهختم بقصة توبة وتغيير بنت زيها زيك .. بنت
اتغيرت ١٨٠ درجة وبدون تدرج .. علشان تصدقي إنه
الموضوع ممكن ويكل تيسير بفضل الله ..

► **بتقول :**

[أنا حببت أحكي قصتي للبنات لعل وعسى يتوبوا قبل ما
يفوت الأوان .. أنا كنت زي أي بنت ، للأسف كنت بلبس
فيسـتات طويلة على بناطيل وكنت بضحك على نفسي
وأقول أنا كده كويسة وأنا أحسن من غيري كثير .. كنت
يقول أنا أحسن من اللي مش محبة أصلاً ومعرض إن
أنا أصلاً كده مش محبة !! آه الاسم محبة حاظة طرحة
على شعري بضحك على نفسي بيها ، ده غير الميك أب
والكعب العالي والبرفان وبالمرآة بقى الأغاني والأفلام !
ربنا يغفرلي كل الذنوب دي .. المشكلة إن ربنا كان ببيعتلي
إنذار كل فترة وأنا مش فاهمة ! كل يوم بيعدي بتخني من
نفسى أكثر ، هموم بتزيد ومشاكل ، لحد مافي يوم سمعت
درس للدكتور حازم شومان بالصدفة وساعتها حسيت إن
الكلام موجهي .. ياااااه .. يارب كنت كل لحظة بتقولي
توبى وقربى وأنا غيبة وكنت ببعد أكثر!!

